

中國方志叢書·華北地方·第十一號

據

清·李傅熙等纂修
清·光緒三十四年刊本


影印

山東省

肥城縣鄉土志

(全)

成文出版社印行



10107794

中華民國五十七年三月壹版

肥城縣鄉土志

定價：新台幣一六〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**東亞製本所**

臺北市中華路一〇三巷二七號



內政部登記證內版臺業字第一一四七號

光緒三十四年戊申菊月

肥城縣鄉土志

桐城鍾樹森續修

裁定
纂修
優優
增校
試閱

城

縣

知

縣

鍾

樹

森

廩附

生

李

傳

煦

生

田

重

堯

生

陰

炳

煥

用

訓

導

尹

祚

章

今上御極之三十二年

詔罷科舉州縣立小學越時學部復以鄉土志之編通飭天下次定門類
義例俾纂輯者軌循之適余捧檄蒞茲土自維疏漏百務待理恐屬
辭未當無以副上意儲下用爰集邑之諸生蒐羅調查舉凡歷史政
績兵事耆舊人類地理物產商業諸大端沿革興廢悉著於篇為綱
八為目二十八為卷八三閱月書成將付印余維歐風東扇學術朋
興一二識時之俊率驚於大而捐其細抵掌華屋動談全球及進而
叩其里術之形勢人事之消長土產之豐絀懵然者比比也以此而
欲周知國勢洞悉內情是猶曲表而求直影濁源而冀清流也庸有
濟乎邑之學子得是編以為先導而又蒼萃泰東西諸學說研究而
會通之以植立憲自治之基馴為異日遠大之用庶幾副

聖天子銳意興學之盛舉也乎桐城鍾樹森序

肥城縣鄉土志目錄

卷之一

圖考 肥城全境圖

肥城縣轄黃河圖

卷之二

歷史

卷之三

政績錄 興利

去害

聽訟

卷之四

兵事錄 附兵防

卷之五

耆舊錄 先賢名儒
名宦祠附

名臣循吏
鄉賢祠附

忠節
忠義孝弟祠附

儒林
節烈祠附
流寓附

卷之六

卷之七

人類 戶口 田賦 鹽法 氏族 宗教 實業

卷之七

地理 古蹟 附金石 祠廟 坊表 橋梁 學堂 山水 道路

卷之八

物產

卷之九

商務

肥城全境圖

東至泰安縣界二十五里

北至濟南府長縣界十二里

南至泰安縣界十六里



西至平陰縣界四十里

鄉土志卷之二

歷史

本境建置年代

漢書地理志泰山郡有肥成縣應劭所謂肥子國也昔樂正子春謂其弟子曰子適齊過肥肥有君子焉此本境見於載籍之始秦漢以還代有沿革及元至元十年始置縣城由明以迄國朝悉仍其舊惟統屬為稍異耳

未置本境以前唐虞夏商周所屬之州

堯之時禹分九州攷之地理今釋肥城北境屬青州之域南境屬徐州之域舜肇有十二州分青之東北為營州則肥固仍屬青徐二州迨夏併營於青復為九州肥之屬青徐如故也至商但言九圍九有實亦分為九州以統天下

馬端臨文獻通考商湯受命亦為九州

故漢書地理志曰殷因於夏亡所變改迨

周併徐入青分青入兗職方氏所列已漸變禹跡之舊乃爾雅釋地則併青於徐九州之名有幽營而無梁青孫氏炎以爾雅之文與職方禹貢並皆不同疑為殷制而究與漢書文獻通攷不甚相符總之肥之在商據爾雅則屬徐據漢書則仍屬青縣志載屬於營州恐未確泊乎成周則地始名肥而實屬於兗矣蓋自周公封魯合徐兗為魯境顧祖禹讀史方輿紀要引管子云長城以南魯也縣境北有長城嶺則肥之屬兗無疑

春秋戰國所屬之國

肥在春秋蓋屬於齊魯兩國之間桓三年公會齊侯於謹杜注云在蛇邱西北今蛇邱在肥城甯陽接壤處成三年叔孫春秋棠纂莊十三年齊人滅遂杜注云在肥城甯陽接壤處僑如圍棘杜注棘在蛇邱縣季氏私城也襄二十二年宣叔娶於鑄鑄在盧縣東北今陰城當在整防門而守之廣里杜注平陰有防頭廣里即今之廣里

以中軍克京益

杜注在平陰南今肥城西北境

以下軍克部

杜注在平陰西今廣里東有部山

皆齊境也

厥後魯日寔弱陵夷至昭定齊屢侵魯汶陽夫汶在肥境南尚被侵伐則

知未至戰國肥境之屬於魯者已漸入於齊矣及七雄並峙魯為楚滅齊

之版圖南至亢父蘇秦曰經亢父之險則肥在戰國屬齊又無待紛紛置

辨云縣志載戰國之肥境屬魯恐未確

秦漢以降歷代所屬郡縣之名

自秦易封建為郡縣分兗青徐三州之地為齊郡而縣境屬焉漢興始置

肥城漢書作肥城而蛇邱縣漢書作蛇邱山東通志兼治肥之南境皆屬泰安

郡隸於兗州後漢無所變革章帝末以肥城省入盧而南境仍為蛇邱所

治屬濟北國隸兗州至三國時中原皆為魏地郡縣悉仍漢舊及晉武統

一天下盧縣仍屬濟北國而隸於兗州自是以後南北分裂置廢無常承

嘉之末兗州諸郡縣陷於石勒雖南宋武帝時復有其地未幾又為元魏

已

所據孝昌三年復置肥城屬東濟北郡隸於濟州

魏書地志東平郡須七富城其一注漢晉

屬有富城有左印明塚按本境在魏似為肥城富城二縣所治故附記於此以備考証

高齊時隸於齊州宇文氏興

肥城升而為郡隸於濟州及隋復廢郡置縣屬濟州隸兗州迨唐分天下

為十道肥城又屬魯郡隸河南道兗州武德五年屬東秦州終唐一代屢有廢置先

省入博城貞觀元年旋改曰乾封乾封元年復改為博城總章元年終改為乾封神龍元年歷

五代皆為乾封屬兗州宋初因之至宣和九年始分乾封以東置奉符縣

即今泰安縣分乾封以西益入平陰縣屬東平郡鄆州隸京東路蓋於今之平

陰縣合而為一也金仍宋舊改屬東平府隸山東西路沿及元世祖至元

十年乃分平陰地為置本境之始屬濟甯路隸山東東西道前明改屬濟

南府隸山東布政使司至國朝雍正十二年改屬泰安州十三年又升

州為府而肥城縣境悉仍元代初置之方域分為四鄉三十三社攷疆界

者所不可不周知也

鄉土志卷之三

政績錄

興利

元

抹漢即趙珪至元十年監肥城創立縣治用奠民居賑饑荒興學校甚有
惠政先是民輸賦於府往來數百里道經鹽河值夏月霖潦民多病涉乃
立團併庫於縣以便民尤喜延攬賢士折節寒素當時有平原君之稱焉
去後民立遺愛碑以頌其德祀名宦祠

明

邱思濟洪武二年為邑令建置學宮壇廟用民力而不勞以清謹稱陞陝
西參議

鄭維邦福建閩縣人嘉靖間以舉人為邑令平賦紓困禦災除惡養老興

學民咸德之中丞李邦珍為之撰去思碑焉

馬經綸字主一直隸通州人萬厯間以進士為邑令有文名所造就士甚多邑舊係磚城且圯經綸為易以石至今賴之祀名宦祠

王惟精陝西朝城人天啟間以舉人為邑令愛民如子尤崇學校延邑生童恒自課之貧不能自存者每給以薪米多方培植兼精書畫今有收藏之者

李衡聊城人以歲貢為邑教諭因材示教多所成就無嗣年八十一卒於官門人葬於城東歲祀之越二百年諸生尹相湯捐田三十畝為祭田尤稱好義云

張濂南直人為邑教諭課士有方迎養雙親以孝聞後附籍於邑二子謙謹皆登科第濂以謹贈左布政使

國朝

尹 任直隸棗強縣人康熙七年以進士為邑令省刑薄歛節用愛人葺學宮重儒士有古良吏風

李振淮雲南人乾隆三十八年以舉人署邑令冲和淡泊守正不阿開誠布公人不敢欺故以持身禮以待士慈以撫民在肥數月及其去也父老攀轅卧轍擁不得行至留其冠履高懸城南門邑人敬禮之

盧聖存廣東東莞縣人乾隆十一年以進士為邑令不挈妻孥七千里外孑然一身尚儉廉不受苞苴甚慈祥愛民尤喜進文士立書院延師訓課有古儒吏風

張運長道光時以舉人為邑訓導性豪爽尚義邑舊無考棚逢縣試皆於鸞翔書院搭蓋蘆棚士子自備几座人苦其不便甫履任即集邑之紳衿耆舊議立號舍先捐廉以為之倡親自督工不辭勞瘁數月而成後雖拓而廣之實皆其創始之力也